

VARSEL OM OPPSTART AV PLANARBEID FOR EVANGER STASJON


I medhald av plan- og bygningslova (PBL) § 12-8 varslar Multiconsult Norge AS på vegne av Bane NOR om oppstart av planarbeid for detaljregulering av Evanger stasjon i Voss kommune, planid: 2018002. Planområdet omfattar gnr. 384 bnr. 4 med fleire.

Bakgrunn og formål for reguleringsplanen

Bakgrunnen for planarbeidet er at Evanger stasjon må utbetrast for å kunne ta imot nye togsett på jernbanelina. Det kjem ein ny type togsett som er lengre enn noverande togsett på Bergensbanen, og det krev lengre plattformer.

Planen skal legge til rette for 2 sideplattformer på ca. 220 meter og planfri kryssing for mjuke trafikantar. Eit døme på løysing for planfri kryssing er vist i figur 2. Planen skal også omfatte areal for mellombelse rigg- og anleggsområder. Det er planlagt i austre del av området, og det mest aktuelle området er på nordsida av sporet. Ubygd område sør for sporet, kan bli nytta om det vert naudsynt. Det er ikkje intensjonar om å endre formål for eksisterande bustadeigedomar.

Varsla planområde er vist med stipla strek på kartet under (figur 1). Området omfattar stasjonsområdet, jernbanespor og tilgrensande eigedomar, og er avgrensa ved Velesvegen i sør og Hernesvegen og elv i nord. Det skal ikkje gjerast inngrep i elva. Planområdet kan verta redusert i forslag til reguleringsplan.



Figur 1: Varsla planområde er vist med stipla strek.



Figur 2: Illustrasjon av planfri kryssing som overgang. Kjelde: Plattformforlenging Vossebanen, optimaliseringsrapport Bane NOR.

Planstatus

Planområdet er i kommuneplanen i hovudsak avset til bane, næringsbygningar og bustadar. Delar av planområdet er ikkje regulert.

Den delen av området som er regulert i dag er vist i figur 3 under. Planen heiter Evanger prestegård, og er ein eldre bustadplan frå 1979, planid: 79001. Det er ikkje intensjonar om å endre formåla, men delar av det ubygdde bustadområdet i aust, kan ved trong verte nytta til mellombels rigg- og anleggsområde.



Figur 3: Kartet viser den delen av planområdet som vil overlappa reguleringsplan for Evanger prestegård. Gult er bustadformål og grønt er friområde (leik).

Varslingsbrev Oppstart

KU-vurdering

Kapittel 2 i Forskrift om konsekvensutgreiing omhandlar planer og tiltak som vert omfatta av forskrifta. Planen sine tiltak høyrer ikkje inn under tiltak som alltid skal konsekvensutgreiast, jfr. vedlegg I (punkt 7 omhandlar jernbanelinjer for langdistansetraffic eller tiltak med investeringskostander over 750 mill. kr). Tiltaka høyrer inn under mindre jernbanetiltak som skal vurderast nærmare, vedlegg II (punkt 10c).

Kapittel 3 § 10 i forskrifta omhandlar kriterier for vurdering av om tiltak kan få vesentlege verknader for miljø og samfunn. Planen sine tiltak er vurdert til å ikkje verte omfatta av kriteria a-d. Planen kjem heller ikkje i konflikt eller har negativ verknad for kriteria a-h. Stasjonsområdet har eit godt bevart bygningsmiljø, men er ikkje formelt verna som kulturminne. Bane NOR vurderer å utarbeide ein kulturhistorisk forvaltningsplan for alle stasjonane mellom Voss og Trengereid. Dette er eit større arbeid som skal sjå på banen i ei kulturhistorisk heilskap.

I St.prp. nr 89 (1984-85) tilrår Olje og energidepartementet varig vern av Vossovassdraget og uttaler at "*vassdraget inneholder store verneverdier både for vilt- og fiskeinteresser, friluftsliv, kulturminner og naturvitenskap. Ved å gi både Vosso, Flåm, og Undredalsvassdraget varig vern, vil en bevare et større sammenhengende natur- og friluftsområde*". Evangervatnet er ein del av Vossovassdraget. Det skal ikkje gjerast tiltak i vassdraget eller som verkar inn på formålet med vernet.

Tiltaka vert vurdert til ikkje å ha vesentlege verknader for miljø eller samfunn.

Planen sine tiltak utløyser ikkje krav om konsekvensutgreiing i samsvar med plan- og bygningslova §§ 4-1 og 4-2 og forskrift om konsekvensutgreiingar.

Meir informasjon og merknadar til planarbeidet

Varseldokumenta kan lesast på Multiconsult si nettside www.multiconsult.no/aktuelt/kunngjoringer/ og på Voss kommune si heimside under kunngjeringar: <http://www.voss.kommune.no/aktuelt-og-kunngjeringar/kunngjeringar/>

Dokumenta vil også ligge tilgjengeleg i Servicetorget på Voss Tinghus.

Merknadar og spørsmål til planarbeidet skal sendast skriftleg til:

Multiconsult Norge AS v/ Linnea Kvinge Karlsen, Nesttunbrekka 99, 5221 Nesttun
eller via e-post: linnea.kvinge.karlsen@multiconsult.no.

Frist for innsending av merknadar: **8. juni 2018**

Det er ikkje naudsynt å sende kopi av merknadar til Voss kommune, då dette vert ivareteke samla av Multiconsult.

For nærmare informasjon, kontakt Multiconsult ved Linnea Kvinge Karlsen, tlf: 951 53 748.

Vidare saksgang

Forslag til reguleringsplan er planlagt levert kommunen i desember 2018 for fyrstegongshandsaming og offentleg ettersyn. Kommunen overtek då planen og den vidare handsaminga.

Med vennleg helsing

MULTICONSULT NORGE AS

Linnea Kvinge Karlsen